

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ՄԱՍՆԱԳԻՏԱԿԱՆ ՌԻՍՈՒՑՄԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ N ՇՀԾՁԲ-15/11-16/7-91**

Ք. Երևան

« 17 » « 08 » 2016թ.

«Ձ աշխատանքի և սոցիալական հարցերի նախարարությունը, ի դեմս նախարարության աշխատակազմի ղեկավար Ա. Գրիգորյանի, որը գործում է նախարարության կանոնադրության հիման վրա (այսուհետ՝ Պատվիրատու), մի կողմից, և «Ապագա կերտողներ» երիտասարդական ՀԿ-ն, ի դեմս ՀԿ-ի նախագահ Ի. Գալստյանի, որը գործում է կազմակերպության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1 Պատվիրատուն հանձնարարում է, իսկ Կատարողը ստանձնում է մասնագիտական ուսուցման ծառայությունների մատուցման պարտավորությունը (այսուհետև՝ Ծառայություն)՝ համաձայն սույն պայմանագրի անբաժանելի մասը կազմող N 1 հավելվածով սահմանված Տեխնիկական բնութագրի պահանջների:

1.2 Ծառայությունը մատուցվում է սույն պայմանագրի անբաժանելի մաս կազմող N 2 հավելվածով՝ Գնման ժամանակացույցով սահմանված ժամկետներում:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1 Պատվիրատուն իրավունք ունի՝**

2.1.1 Ցանկացած ժամանակ ստուգել Կատարողի կողմից մատուցվող Ծառայության ընթացքը և որակը՝ առանց միջամտելու Կատարողի գործունեությանը:

2.1.2 Եթե մատուցվել է սույն պայմանագրի N 1 հավելվածում նշված Տեխնիկական բնութագրին չհամապատասխանող Ծառայություն.

ա) Չընդունել Ծառայությունը՝ իր հայեցողությամբ սահմանելով անպատշաճ որակի Ծառայությունը սույն պայմանագրին համապատասխանող Ծառայությամբ անհատույց փոխարինման ողջամիտ ժամկետ և պահանջել Կատարողից վճարելու սույն պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը:

բ) Հրաժարվել սույն պայմանագիրը կատարելուց և պահանջել վերադարձնելու Ծառայության համար վճարված գումարը և պահանջել Կատարողից վճարելու սույն պայմանագրի 5.2 կետով նախատեսված տուգանքը:

2.1.3 Միակողմանի լուծել սույն պայմանագիրը, եթե Կատարողն էականորեն խախտել է սույն պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված Ծառայությունը չի համապատասխանում սույն պայմանագրի N 1 հավելվածով սահմանված պահանջներին,

բ) խախտվել է Ծառայության մատուցման ժամկետը:

**2.2 Պատվիրատուն պարտավոր է՝**

2.2.1 Բնարկել և ընդունել Տեխնիկական բնութագրին համապատասխան մատուցված Ծառայության արդյունքը, իսկ Ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև սույն պայմանագրի 5.5 կետով նախատեսված տույժը:

**2.3 Կատարողն իրավունք ունի՝**

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից սույն պայմանագրի 4.2 կետում նշված ժամկետի խախտման դեպքում նաև սույն պայմանագրի 5.5 կետով նախատեսված տույժը:

**2.4 Կատարողը պարտավոր է՝**

2.4.1 Սույն պայմանագրի N 1 հավելվածով սահմանված պայմաններով ապահովել Ծառայության մատուցումը՝ ղեկավարվելով գործող օրենսդրությամբ:

2.4.2 Սույն պայմանագրով նախատեսված դեպքերում վճարել սույն պայմանագրի 5.2 և 5.3 կետերով նախատեսված տույժը և տուգանքը:

2.4.3 Սույն պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

**3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ**

3.1 Պայմանագրի կամ դրա մի մասի կատարման արդյունքներն ընդունվում են Պատվիրատուի և Կատարողի միջև հանձնման-ընդունման արձանագրության ստորագրմամբ, իսկ պայմանագրի արդյունքը Պատվիրատուին հանձնելու փաստը ֆիքսվում է երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև սույն պայմանագրով նախատեսված Ծառայության մատուցման ավարտի օրը ներառյալ Կատարողը Պատվիրատուին է ներկայացնում մատուցված Ծառայության մասին իր կողմից ստորագրված հանձնման-ընդունման արձանագրության երկու օրինակ (Հավելված N 4) և պայմանագրի արդյունքը Պատվիրատուին հանձնելու փաստը ֆիքսող փաստաթուղթը (Հավելված N 4.1):

3.2 Հանձնման-ընդունման արձանագրությունն ստորագրվում է, եթե մատուցված Ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրություն չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար սույն պայմանագրով նախատեսված միջոցները:

բ) Կատարողի նկատմամբ կիրառում է սույն պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու պահից տասնօրյա ժամկետում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ Ծառայությունը չընդունելու պատճառաբանված մերժումը:

3.4 Եթե Պատվիրատուն սույն պայմանագրի 3.3 կետով սահմանված ժամկետում պայմանագրի արդյունքը կամ չի մերժում, ապա այն համարվում է ընդունված և սույն պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

#### **4. ՊԱՅՄԱՆԱԳՐԻ ԳԻՆԸ**

4.1. Սույն պայմանագրով Կատարողի կողմից մատուցման ենթակա Ծառայության ընդհանուր գինը կազմում է **220000 (երկու հարյուր քսան հազար) ՀՀ դրամ**, եթե Կատարողը ԱԱՀ վճարող է՝ ներառյալ ԱԱՀ-ն: Գինը ներառում է Կատարողի կողմից իրականացվող քոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն՝ նվազեցնելու այդ գինը:

4.2. Պատվիրատուն իրեն մատուցած Ծառայության դիմաց վճարում է անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ սույն պայմանագրի N 3 հավելվածով սահմանված վճարման ժամանակացույցով նախատեսված ամսում (եթե արձանագրությունը կազմվում է տվյալ ամսվա 20-ից հետո, ապա վճարումն իրականացվում է 20 քանկային օրվա ընթացքում), բայց ոչ ավելի տվյալ ժամանակահատվածի համար նախատեսված գումարի չափից: Եթե ընդունված Ծառայության դիմաց վճարելու համար վճարման ժամանակացույցով նախատեսված միջոցները չեն քավարարում, ապա վճարումը, սույն կետի պայմաններով, իրականացվում է այն ամսում, որում դրամական միջոցները նախատեսված են, սակայն ոչ ուշ քան 2016թ. դեկտեմբերի 25-ը:

#### **5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

5.1 Կատարողը պատասխանատվություն է կրում Ծառայության մատուցման՝ սույն պայմանագրի պահանջների պահպանման համար:

5.2 Սույն պայմանագրի N 1 հավելվածում նշված տեխնիկական բնութագրին չհամապատասխանող Ծառայություն մատուցելու յուրաքանչյուր դեպքում Կատարողից զանձվում է տուգանք՝ սույն պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:

5.3 Սույն պայմանագրով նախատեսված Ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար զանձվում է տույժ՝ մատուցման ենթակա, սակայն չմատուցված Ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Սույն պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից սույն պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

#### **6. ԱՆԿԱՂԹԱՎԱՐԵԼԻ ՈՒԹԻ ԱԶԴԵՑՈՒԹՅՈՒՆԸ (Ֆորս-մաժոր)**

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհարգաբարեի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ցրիտիչը, հորհեղ, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնց անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

#### **7. ԱՅԼ ՊԱՅՄԱՆՆԵՐ**

7.1 Սույն պայմանագիրն ուժի մեջ է մտնում և կողմերի համար պարտադիր է դառնում կնքելու պահից, գործում է մինչև 2016թ. դեկտեմբերի 30-ը:

7.2 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ քաջ թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որը չի ծածկվում մինչև լուծումը գնման պայմանագրի կատարմամբ Պատվիրատուի ստացածով:

7.3 Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա սույն պայմանագրի անբաժանելի մասը:

Սույն պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնություն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը:

Արգելվում է սույն պայմանագրում կատարել այնպիսի փոփոխություններ, որոնք հանգեցնում են գնվող Ծառայության ծավալների կամ ձեռք բերվող Ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման դեպքերը սահմանում է Հայաստանի Հանրապետության կառավարությունը:

7.4 Ծառայության մատուցման ժամկետը կարող է երկարաձգվել մինչև սույն պայմանագրով այդ ժամկետը լրանալը պայմանագրի կողմի առաջարկության անկայության դեպքում՝ պայմանով, որ՝ Պատվիրատուի մոտ չի վերացել գնման առարկայի օգտագործման պահանջը: Ընդ որում սույն կետով սահմանված դեպքում Ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով:

7.5 Սույն պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Սույն պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.6 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.7 Սույն պայմանագիրը կազմված է 8 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N1, N2, N3, N4 և N4.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.8 Սույն պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.9 Սույն պայմանագրի նկատմամբ կիրառվում է Հայաստանի Հանրապետության իրավունքը:

**8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ**

**ՊԱՏՎԻՐԱՏՈՒ**

«Աշխատանքի և սոցիալական հարցերի նախարարություն»

ք. Երևան, Կառավարական շենք N 3  
(հասցեն)

Բանկի անվանումը՝ «Ֆինանսների նախարարության  
աշխատակազմի գործառնական վարչություն»  
N/h 90001102077, հ/կհ 01506515  
(բանկային վավերապայմանները)



Ա. Գրիգորյան

**ԿԱՏԱՐՈՂ**

«Ալպագա կեթուղներ» երիտասարդական ՀԿ

ք. Երևան, Մաշտոցի 39/12, քն 18  
(հասցեն)

Բանկի անվանումը՝ «Յունիբանկ» ՓԲԸ  
Կենտրոնական գրասենյակ  
h/h 24100066398900 հ/կհ 01565663  
(բանկային վավերապայմանները)



Ի. Գալստյան

**3. ՏԵԽՆԻԿԱԿԱՆ ԲՆՈՒԹԱԳԻՐ**

Զբաղվածության պետական ծրագրերի շրջանակներում ՀՀ պետական բյուջեի միջոցների սահմաններում իրականացվող Կարող մասնագիտությամբ ուսուցման ծառայության  
Պատվիրատու՝ ՀՀ աշխատանքի և սոցիալական հարցերի նախարարության աշխատակազմ

1. Գնման առարկան է՝ 2 գործազուգրկի մասնագիտական ուսուցման իրականացում Կարող մասնագիտությամբ:
2. Մասնագիտական ուսուցման տևողությունը 2 ամիս է:
3. Մասնագիտական ուսուցումն իրականացվում է կատարողի կողմից ներկայացված և ՀՀ աշխատանքի և սոցիալական հարցերի նախարարության Զբաղվածության պետական գործակալության (այսուհետև՝ գործակալություն) հավանությանն արժանացած ուսումնական պլանով և ուսումնական ծրագրերով (մասնագիտական ուսուցման ծրագրի ընդհանուր տևողությունը պետք է կազմի առնվազն 250 ժամ):
4. Մասնագիտական ուսուցումն իրականացվում է խմբային ուսուցման ձևով, խումբը պետք է բաղկացած լինի առավելագույնը 15 անձից, (հնարալիր է հերթափոխով), ժամը 9:00-ից 18:00-ն ընկած ժամանակահատվածում:
5. Մասնագիտական ուսուցման դասընթացում ընդգրկվում են միայն զբաղվածության տարածքային կենտրոնների կողմից գործուղված անձինք համաձայն կատարողին ներկայացված ցուցակի, որը ներկայացվում է պայմանագիրը կնքելուց հետո հնգօրյա ժամկետում:
6. Մասնագիտական ուսուցումը կազմակերպվում է Երևան քաղաքում:
7. Գործակալությունը պարտավորվում է.
  - 7.1 դասընթացը սկսվելուց հետո (10 աշխատանքային օրվա ընթացքում) ուսուցումից հրաժարված կամ հեռացված անձի փոխարեն, այդ մասին տեղեկանալուց հետո հնարավորության դեպքում կատարողի մոտ գործուղել 1 կետով նախատեսված համանման անձ,
  - 7.2 մասնակցել ունկնդիրների ավարտական քննություններին:
8. Կատարողը պարտավորվում է.
  - 8.1 Յուրաքանչյուր ուսումնական ամսվա վերջին աշխատանքային օրը համապատասխան տարածքային կենտրոն տրամադրել տեղեկատվություն մասնակցության օրերի մասին՝ մասնակցի տվյալ ուսումնական ամսվա ընթացքում ուսուցմանը մասնակցած օրերին համապատասխան
  - 8.2 Ունկնդրի՝ ուսուցումը իր քննության վայրի համայնքից դուրս այլ համայնքում (քաջառության Երևան քաղաքի վարչական շրջանների) կազմակերպելու դեպքում փոխհատուցել տրանսպորտային ծախսերը՝ Հայաստանի Հանրապետության կառավարության 2005 թվականի դեկտեմբերի 29-ի «Ծառայողական գործուղման մեկնած աշխատողների գործուղման ծախսերի հատուցման համար կատարվող վճարումների նվազագույն և առավելագույն չափերն ու վճարման կարգը սահմանելու մասին» N 2335-Ն որոշմամբ սահմանված կարգով նախատեսված:
  - 8.3 պայմանագիրը կնքելուց հետո 5 աշխատանքային օրվա ընթացքում՝ ներկայացնել մասնագիտական ուսուցման ծրագիրը, ծրագրի իրականացման հասցեն, պատասխանատուների անունները, դասավանդողների տվյալները (անունը, ազգանունը, մասնագիտությունը, աշխատանքային փորձը), դասընթացների իրականացման ժամանակացույցը, 10 աշխատանքային օրվա ընթացքում սկսել դասընթացը,
  - 8.4 ապահովել մասնագիտական ուսուցման կազմակերպման համար համապատասխան մասնագետի, ինչպես նաև անհրաժեշտ պայմանների առկայությունը և ուսումնական նյութերի տրամադրումը տեսական և գործնական պարապմունքների համար,
  - 8.5 դասընթացները սկսվելուց հետո վարել հաճախելիության թերթիկ՝ ամենօրյա ներկայությունը փաստելով ունկնդիրների ստորագրությամբ և յուրաքանչյուր ամսվա համար տարածքային կենտրոն (Երևանը՝ գործակալություն) ներկայացնել հաճախելիության թերթիկների պատճենները,
  - 8.6 մասնագիտական ուսուցումից անձի հրաժարվելու մասին անհապաղ տեղեկացնել գործակալություն,
  - 8.7 դասընթացը սկսելու օրվանից երեք անգամ անհարգելի պատճառով չներկայացած անձին հեռացնել դասընթացից և այդ մասին անհապաղ տեղեկացնել գործակալություն,
  - 8.8 ուսուցման ընթացքում դասընթացներից հրաժարված կամ հեռացված անձին մեկ ուրիշով չփոխարինելու դեպքում հետ փոխանցել ուսուցման ծախսը, հիմք ընդունելով մեկ ունկնդրի համար նախատեսված ուսուցման գումարի չափը և դասընթացներին փաստացի մասնակցած օրերի քանակը,
  - 8.9 մասնագիտական ուսուցման ընթացքում կազմակերպել գործնական աշխատանքներ,
  - 8.10 մասնագիտական ուսուցումն ավարտելուց հետո անցկացնել քննություն և տալ համապատասխան վկայական (կարգ. կատեգորիա):

**ՊԱՏՎԻՐԱՏՈՒ**

Աշխատակազմի  
ղեկավար 

**Ա. Գրիգորյան**



**ԿԱՏԱՐՈՂ**

ՀԿ-ի նախագահ 

**Ի. Գալստյան**



17.08  
 հավելված N 2  
 N ԵՇԾԲ-15/11-16/7-91 գնման պայմանագրի

ՀՀ պետական բյուջեի միջոցներով իրականացվող 10.05.01. "03. Մասնագիտական ուսուցման կազմակերպում" ծրագրով նախատեսված միջոցների շրջանակներում գնման ենթակա ծառայությունների

**ԳՆԱՆ ՓԱՆԱՆԱԿԱՑՈՒՅՑ**

(ՀՀ դրամ)

Գնման ենթակա ծառայությունների							
3	2	3	4	5	6	7	8
Ցուցիչ բաժնի համարը	Իրականացման տարածքը	Անվանումը	Ռեալիզման տևողությունը*	Միավորի գինը	Չափման միավորը	Քանակ	Գումար
3	Երևան	3. "Կարող" մասնագիտությանը ուսուցում ք. Երևանում	2 ամիս	110000	գործազուրկ	2	220000
<b>ԸՆԴԱՄԱՆԵՆԸ</b>							
						2	220000

\* Դատելիքացները սկսվում են պայմանագրի կնքելուց հետո 10 աշխատանքային օրվա ընթացքում

ՊԱՏՎԻՐԱՏՈՒ

*[Signature]*  
 Աշխատանքային ղեկավար



ԿԱՏԱՐՈՂ

Ա. Գրիգորյան

ՀԿ-ի նախագահ

*[Signature]*

Ի. Գալստյան



հավելված N 3  
 17.08  
 2016թ-ին կնքված  
 N ԸՇԾԶԲ-15/11-16/7-91 գնման պայմանագրի

ՀՀ պետական բյուջեի միջոցներով իրականացվող՝ 10.05.01. "03. Մասնագիտական ուսուցման կազմակերպում՝ ծրագրով նախատեսված միջոցների շրջանակներում գնման ենթակա ծառայությունների

**ՎՃԱՐՄԱՆ ԺԱՄԱՆԱԿԱԳՈՒՅՑ \***

Գնման ենթակա ծառայությունների		Նախատեսվում է ֆինանսավորել 2016 թ-ին													Ընդամենը		
		1	2	3	4	5	6	7	8	9	10	11	12	13			14
Ծախս բաժնի համարը	Իրականացման տարածքը	Ծառայության անվանումը	Միջոցառման համարի անվանումը, անհատական համարը, հարկային կոդը	Չափման միավորը	Գումար	Գումար	Գումար	Գումար	Գումար	Գումար	Գումար	Գումար	Գումար	Գումար	Գումար	Գումար	Գումար
3	Երևան	3. "Կարող" մասնագիտության ուսուցում ք. Երևանում	4241	գործադրվել	0	0	0	0	0	0	0	0	0	0	0	0	220000
		Ընդամենը			0	0	0	0	0	0	0	0	0	0	0	0	220000

\* Վճարման ենթակա գումարները ներկայացված են անողական կարգով



ՊԱՏԻՐԱՑՈՒ

Ա. Գրիգորյան

ՀԿ-ի նախագահ

ԿԱՄԱՐՆԱ



Ի. Գալստյան

Կատարող	Պատվիրատու
_____	_____
գտնվելու վայրը _____	գտնվելու վայրը _____
հհ _____	հհ _____
հվհհ _____	հվհհ _____

**Ա Ր Ձ Ա Ն Ա Գ Ր ՈՒ Թ Յ ՈՒ Ն N  
 Հ Ա Ն Ձ Ն Մ Ա Ն - Ը Ն Դ ՈՒ Ն Մ Ա Ն**

«    » «    » 20    թ.

Պայմանագրի (այսուհետ՝ Պայմանագիր) անվանումը՝ \_\_\_\_\_

Պայմանագրի կնքման ամսաթիվը՝ «    » «    » 20    թ.

Պայմանագրի համարը՝ \_\_\_\_\_

Պատվիրատուն, ի դեմս \_\_\_\_\_ և

Կատարողն՝ ի դեմս \_\_\_\_\_, հիմք ընդունելով

Պայմանագրի կատարման վերաբերյալ «    » «    » 20    թ. կազմված՝ գնման հայտը նախագծած ներկայացուցչի N \_\_\_\_\_ եզրակացությունն այն մասին, որ Պայմանագրով նախատեսված՝ ստորև նշված ծառայությունները համապատասխանում են Պայմանագրով ամրագրված տեխնիկական բնութագրերին և գնման ժամանակացույցին՝ կազմեցին սույն արձանագրությունը հետևյալի մասին.

Պայմանագրի շրջանակներում Կատարողը մատուցել է հետևյալ Ծառայությունները՝

Մատուցված ծառայությունների								
N	անվանումը	տեխնիկական բնութագրի համառոտ շարադրանքը	Քանակական ցուցանիշը		Կատարման ժամկետը		Վճարման ենթակա գումարը (հազար դրամ)	Վճարման ժամկետը (ըստ վճարման ժամանակացույցի)
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Վերոհիշյալ Ծառայությունների վերաբերյալ բոլոր հաշիվ-ապրանքագրերը հանդիսանում են սույն արձանագրության բաղկացուցիչ մասը և կցվում են:

**Ծառայությունը հանձնեց**

\_\_\_\_\_

(ստորագրություն)

\_\_\_\_\_

(ազգանուն, անուն)

Կ.Տ.

**Ծառայությունն ընդունեց**

\_\_\_\_\_

(ստորագրություն)

\_\_\_\_\_

(ազգանուն, անուն)

Կ.Տ.

## ԱԿՏ N

**պայմանագրի արդյունքը Պատվիրատուին հանձնելու փաստը ֆիքսելու վերաբերյալ**

Սույնով արձանագրվում է, որ \_\_\_\_\_ ի (այսուհետ՝ Պատվիրատու) և  
(Պատվիրատուի անունը)  
 \_\_\_\_\_ ի (այսուհետ՝ Կատարող) միջև 20 թ. \_\_\_\_\_ -ին կնքված N \_\_\_\_\_  
(Կատարողի անունը)  
 գնման պայմանագրի շրջանակներում Կատարողը 20 թ. \_\_\_\_\_ -ին հանձնման-  
 ընդունման նպատակով Պատվիրատուին հանձնեց ստորև նշված ծառայությունները.

Ծառայության		
Անվանումը	Քանակական ցուցանիշը (փաստացի)	Չափի միավորը

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

### Հանձնեց

\_\_\_\_\_  
(ստորագրություն)  
 \_\_\_\_\_  
(ազգանուն, անուն)  
 Կ.Տ.

### Ընդունեց

հայտը նախագծած ներկայացուցիչ՝

\_\_\_\_\_  
(ստորագրություն)  
 \_\_\_\_\_  
(ազգանուն, անուն)  
 Կ.Տ.